

Tegni, Megategni, Micotegni, Antidotarium: disputationes Platonis, & Hippocratis in sententiis. De simplici medicamine. De Gynæcia, idest de membris ac corporibus fœminarum. De pulsibus. Prognostica. De experimentis. Glossas herbarum & specierum. Chirurgiam. Librum de medicamine oculorum. Hic vir quadraginta annis in ediscendis diversarum gentium studiis explevit, novissimè verò senex, & plenus dierum in Casino obiit. Fuit autem temporibus supradictorum Imperatorum.

## ANNOTATIO.

**C**onstantinus ad eorum morem, qui à Diapsade morfi sunt, plenis faucibus avidè, & sinè interpiratione cunctas physicas disciplinas haurire constituit, ut omnes dein fateantur novum Hippocratem Orbi effulisse; eamque ob causam Hebræam, Syram, Chaldaicam, Græcam, Latinam, Italicam, Persicam, Arabicam, Ægyptiacam, Æthiopicam, & Indicam linguam discere curavit. Vir quidem suapte natura ad res difficiles, obscurasque in antiquorum libris pervestigandas valde propensus, ut nemo illum in ætate sua vicerit, paucissimi æquarint, linguarumque omnium exacta notitia, quæ ad homines illustrandos una ferè sufficere semper existimata est, exiguam partem in hujus Viri, verè polyglossi laudibus occupaverit, sed profectò pro tanti Viri laudibus, jejunè, aridèque. Ejus opera conquesta magno studio Basilæ apud Henr. Petri ann. 1536. in folio excusa reperiuntur: Extare etiam MSS. in Biblioth. Sancti Germani de Pratis Cod. sign. num. 439. scribit Labbeus in nova Biblioth. MSS. libr. p. 50. uti etiam nonnulla in diversis Biblioth. Patavinis memorat V. Cl. Thomasinus Episcopus Æmonensis in Bibliotheca Patavina. Claruit Constantinus temporibus Imperatorum Michaëlis, Constantini, Alexii, atque Henrici anno 1072. circiter. Vide nostrum Petrum Diaconum in auctario Chron. Casin. lib. 3. cap. 35. Trithem. de Script. Ecclæs. & de Vir. Illustr. Ord. S. Bened. lib. 2. cap. 70. & Arnoldum Wionem lib. 5. cap. 98. Lign. vitæ.

## CAPUT XXIV.

## DE ATTONE.

**A**tto Constantini Africani auditor, & Agnetis Imperatricis Capellanus, ea, quæ supradictus Constantinus de diversis linguis transtulerat, cothurnato sermone in Romanam linguam descripsit.

## ANNOTATIO.

**A**tto, sive Haito, vel Hetto: Variè enim id nomen scribitur, floruit anno 1070.

## CAPUT XXV.

## DE PANDULPHO.

**P**andulphus Ostiensis Episcopus; parvulus & ipse in Casino B. Benedicto oblatas, scripsit sermones de totius anni festivitibus: Rhythum quoque in laudem Sanctæ Mariæ composuit, & alia nonnulla, quæ nostris in manibus nec dum venerunt. Fuit verò temporibus Alexii, Joannis, Henrici, Lotharii que Imperatorum.

## ANNOTATIO.

**P**andulphus Monachus Casinensis primum à Paschale Papa II. Presbyt. Cardinalis, deinde ab Innocentio Papa Secundo Episcopus Ostiensis creatus anno 1131. obiit an. 1134. ut scribit Arnoldus Wion lib. 2. cap. 9. pag. mihi 190. Lign. vitæ, subdens hunc esse, cui noster Petrus Diaconus opusculum istud de Vir. Illustr. Casin. dedicavit; sed memoria ille quidem excidit, cum ille fuerit Episcopus Theanensis, ut ex Catalogo librorum ab eodem met Petro prætexto in auctario histor. Casin. lib. 4. cap. 66. legitur; ex supramemorata temporis supputatione, aliisque difficultatibus labi forsàn nostrum Petrum circa titulum Episcopatus observavit Vir. Clar. Ughellus in Ital. sacr. in Catalog. Episcop. Ostiens. Ad, si lubet, ipsum.

## CAPUT XXVI.

## DE PANDULPHO.

**P**andulphus Capuanus Presb. in Casino sub Desiderio Abb. Monachus factus, divina, sæcularique literatura eruditus scripsit ad Petrum Salernitanum Abbatem librum de calculatione, Versus de termino Paschæ Hebræorum; de circulo solari ad concurrentes inveniendos; de Cyclo lunari, de feria Paschæ Hebræorum inveniendâ; ad annos Domini inveniendos: qualiter sint inveniendæ indictiones. De Luna cujusque diei inveniendâ absque Embolismorum contrarietate: Quomodo fallunt qui se scire putant, quot horis, vel punctis Luna in unaquaque nocte luceat. Quibus modis cursus Solis dividatur: quomodo efficiatur bisextus; ad ferias Kalendarum inveniendas: Qualiter vel unde regulæ ad ferias mensium inveniendas præcedant. Quomodo regula terminorum Hebræorum ex cursu Solis inveniatur: ad feriam uniuscujusque diei inveniendam. De quatuor temporibus, in quibus datariis solstitia veraciter esse debeant: ubi æquinoctia veraciter credantur esse. Quomodo Ad-